

ԼԵԶՎԱԲԱՆՈՒԹՅՈՒՆ

ԲԱՐԴ ՀԱՄԱԴԱՍԱԿԱՆ ՆԱԽԱԴԱՍՈՒԹՅՈՒՆՆԵՐԻ ԿԱՌՈՒՑՎԱԾՔԱՅԻՆ-ԳՈՐԾԱՌԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ՝ ԸՍՏ ՆԱՐ-ԴՈՍԻ ԱՐՁԱԿԻ ԼԵԶՎԻ

ՍԱԹԵՆԻԿ ԲԱԴԱԼՅԱՆ

Հոգվածում քննվում են բարդ համադասական նախադասությունների կառուցվածքային-գործառական առանձնահատկությունները՝ ըստ Նար-Դոսի արձակի լեզվի:

Բանալի բառեր – նախադասություն, հնչերանգ, միտք, բարդ նախադասություն (Բն), բազմաբաղադրիչ բարդ նախադասություն (Բբն), երկբաղադրիչ նախադասություն:

Բարդ նախադասությունների սահմանման, Բն-ի տեսակներին, դրանց մեկը մյուսից տարբերակելու հարցին անդրադարձել ենք մեր նախորդ հոդվածում: Բն-ը կազմված է երկու և ավելի բաղադրիչ պարզ նախադասություններից, որոնք փոխկապակցված են քերականորեն, իմաստով, հնչերանգով և արտահայտում են մեկ միտք:

Բն-ների բաղադրիչները միասին արտահայտում են այն, ինչ չի կարող արտահայտվել բաղադրիչներից յուրաքանչյուրի առանձին գործածության դեպքում: Այսինքն՝ կարևոր են իրավիճակը, իրադրությունը, որում գործածվում են դրանք: Եթե այլ իրավիճակում դրանք ինքնուրույն գործածվեն, ապա կհամարվեն նախադասություն:

Բն-ները, քերականորեն և տրամաբանորեն միմյանց հետ կապակցված լեզվական միավորների ամբողջություն լինելուց բացի, ունեն միասնական հաղորդակցային արժեք:

Մեկ նկատառում: **Բն-ի սահմանումից դուրս են ԲԲն-ները**, քանի որ սահմանումը վերաբերում է միայն երկբաղադրիչ Բն-երին:

Գիտենք, որ Բն-ները միմյանցից տարբերվում են մասնավորապես կապակցության բառական միջոցների, բաղադրիչների շարադասության, նրանցում կիրառվող բայական ժամանակների ու ժամանակաձևերի, հնչերանգային առանձնահատկությունների միջոցով:

Պարզ նախադասության համազոր անդամներ կապակցող շաղկապները կապակցում են նաև Բհն-ների բաղադրիչներ: Համադասական այդ շաղ-

կապները Բին-ի բաղադրիչները միանալիս արտասանությամբ թեև հարում են երկրորդ բաղադրիչին, այնուամենայնիվ նրանք չեզոք են: Բին-ի բաղադրիչները դրվում են մեկը մյուսից հետո, նրանցում բայ-ստորոգյալներն արտահայտվում են բացարձակ ժամանակներով, որոնք հարաբերակցվում են խոսքի պահի հետ: Ինչ վերաբերում է հնչերանգին, ապա համադասական նախադասության բաղադրիչներն արտասանվում են թվարկման, հակադրության հնչերանգով: Եվս մեկ կարևոր հատկանիշ. եթե Բին-ում հնարավոր է՝ կառույցներն ունենան բաց շարքեր, ապա Բսն-ում դա պարզապես բացառվում է:

Բսն-ում գերադաս և ստորադաս բաղադրիչներն իրար կապակցվում են ստորադասական շաղկապների միջոցով (որոնք հատուկ են միայն Բսն-ին), գործածվում են հարաբերյալներն ու հարաբերական դերանունները: Ստորադասական շաղկապները, հարաբերական դերանունները մտնում են ստորադաս բաղադրիչների կազմի մեջ, մինչդեռ համադասական շաղկապները չէին մտնում նախադասությունների բաղադրիչների կազմի մեջ: Բսն-ում բաղադրիչներից մեկի միջադասումը մյուսի կազմում (սովորաբար երկրորդականը գերադասի մեջ) հնարավոր է: Հնարավոր է նաև գլխավորի կազմում ենթաստորադասությամբ կազմված երկու և ավելի նախադասությունների միջադասումը: Բսն-ում հնարավոր է, որ բաղադրիչներում բայ-ստորոգյալներն ունենան ժամանակային տարբեր պլաններ: Այս դեպքում բաղադրիչների գործողությունների կատարումը հարաբերակցվում է ոչ թե խոսելու պահի, այլ գլխավոր բաղադրիչի գործողության ժամանակի հետ: Եվ վերջապես՝ Բսն-երն ունեն իրենց հատուկ հնչերանգը. առաջին բաղադրիչի վերջին վանկի արտասանության ժամանակ ծայնի տոնն իր բարձրագույն կետին է հասնում, իսկ հետո աստիճանաբար իջնում է:

Հ. Պետրոսյանն իր «Հայերենագիտական բառարանի» «Բարդ համադասական նախադասություն» բառահոդվածում առանձնացնում է Բին-ի 5 տեսակ՝ միավորական, ներհակական կամ հակադրական, տրոհական, մեկնական, հավելական կամ հարակցական¹:

Գ. Գարեգինյանը ևս այդպես է վարվում. նա էլ տարբերակում է միավորիչ, հակադրական, տրոհական, մեկնական, հարակցական Բին-ներ: Գարեգինյանը միավորիչ հարաբերություն արտահայտող Բին-ների մեջ առանձնացնում է՝ ա) թվարկում և համաժամանակություն արտահայտող, բ) թվարկում և գործողությունների տարաժամանակություն արտահայտող նախադասություն-

¹ Պետրոսյան Հ., «Հայերենագիտական բառարան», Երևան, 1987, էջ 134,135:

ներ: Հակադրական Բին-ների մեջ առանձնացնում է զուգադրահակադրական, ժխտական, պայմանահակադրական, սահմանափակման հարաբերություն արտահայտող նախադասություններ: Տրոհական Բին-ները բաժանվում են 2 խմբի՝ 1) կառույցներ, որոնցում թվարկվում են այնպիսի փաստեր, որոնք, անկախ ժամանակից ու իրադրությունից, փոխադարձաբար բացառում են միմյանց, և 2) կառույցներ, որոնցում թվարկվում են փաստեր, որոնք փոփոխակի հաջորդականությամբ փոխարինում են իրար: Իսկ մեկնականներն իրենց հերթին լինում են՝ ա) ճշգրտող, պարզաբանող և բ) ընդհանրացնող²:

Ս. Աբրահամյանն առանձնացնում է Բին-ների 4 տեսակ՝ 1) միավորական, 2) ներհակական, 3) տրոհական, 4) հավելական: Ներհակականների մեջ տարբերակում է 4 ենթատեսակ՝ ա) հանդիպադրական, բ) հակասման, գ) ժխտման, դ) պայմանաներհակական³:

Վարագ Առաքելյանը 5 տիպի Բին-ներ է առանձնացնում՝ ա) համադրական, բ) հակադրական, գ) տրոհական, դ) հարակցական և ե) մեկնական⁴:

Արտաշես Պապոյանը կատարում է երկաստիճան դասակարգում: Նախ՝ տարբերակում է 2 խումբ՝ բաղիյուսական և ներհակական, որոնք միմյանց հակադրվում են իմաստակառուցվածքային որոշակի հատկանիշներով⁵:

Այդպիսի երկաստիճան դասակարգում կատարել են նաև Մ. Աբեղյանն⁶ ու Ս. Պալասանյանը⁷:

Ի դեպ, մեր աշխատանքում հետևել ենք Պալասանյանի դասակարգմանը:

«Բաղիյուսական կոչվում է այն նախադասությունը, որի բաղադրիչները ներքին տրամաբանությամբ ու իմաստներով միավորվում, շարակցվում են իրար՝ առանց հակադրության, փոխադարձ ժխտման»⁸:

Այս տիպի Բին-ները բաժանվում են՝ 1) միավորական, 2) հավելական, 3) մեկնական, 4) մակաբերական, 5) մասնական, 6) բաղդատական տեսակների:

² Աբրահամյան Ս., Ժամանակակից հայոց լեզու, հ. 3, Երևան, 1976, էջ 569-600:

³ Գարեգինյան Գ., Ժամանակակից հայոց լեզու, Երևան, 1991, էջ 34-78:

⁴ Առաքելյան Վ., Հայերենի շարահյուսություն, հ. Բ, Երևան, 1969, էջ 295:

⁵ Պապոյան Ա., Բաղիկյան Խ., Ժամանակակից հ.լ. շարահյուսություն, Երևան, 2003, էջ 238:

⁶ Աբեղյան Մ., Երկեր, հ. 2, Երևան, էջ 538-555:

⁷ Պալասանյան Ս., Քերականություն Մայրենի լեզվի, Տ., 1894, էջ 239:

⁸ Պապոյան Ա., Բաղիկյան Խ., նշվ. աշխ., էջ 238, 239:

«Ներհակական կոչվում է այն կապակցությունը, որի բաղադրիչները իրենց ներքին տրամաբանությամբ ու իմաստներով հակադրվում են իրար կամ բացառում են միմյանց»⁹:

Ներհակական Բին-ները լինում են ժխտական, տրոհական, հակադրական, սահմանափակման, պայմանահակադրական:

Նար-Դոսի արձակում փարածված են այս երկու տիպերն էլ: Սակայն ամենից շար փարածված են բաղիյուսական նախադասություններից հավելական և միավորական հարաբերություններով, իսկ ներհակական նախադասություններից՝ տրոհական, հակադրական հարաբերությամբ կապակցված Բին-ները:

«Միավորական է կոչվում այն կապակցությունը, որի բաղադրիչները միավորվում են մեկ ընդհանուր ամբողջի մեջ՝ արտահայտելով այնպիսի գործողություններ, եղելություններ, որոնք ունենում են մեկ և նույն ենթական»¹⁰:

Այս նախադասությունների հիմնական բնութագիրն այն է, որ որքան բաղադրիչ կա Բին-ների կազմում, այդքան էլ ենթակային վերագրվող հատկանիշ կա:

Կապակցման միջոցներն են և, ու, այլև, ևս, և՛...և՛..., թե՛..., թե՛..., է՛..., է՛..., ո՛չ..., ո՛չ..., ոչ միայն..., այլև..., ինչպես և, ինչպես նաև, նաև միավորիչ շաղկապները:

Նար-Դոսի արձակում գործածության բացարձակ գերակշռություն ունի «և» մենադիր շաղկապով համադասական կառույցը:

Բաղադրիչները կապակցվում են նաև շարահարությամբ: Նշույթավոր և աննշույթ կապակցությունները կարող են կազմել և՛ բաց, և՛ փակ շարքեր:

Բին-ների բաղադրիչների գործողություններն իրականացվում են կա՛մ միաժամանակ, կա՛մ հաջորդաբար: Ըստ այդմ էլ գործողությունները համաժամանակյա են կամ տարաժամանակյա:

Նար-Դոսի արձակում գործածված Բին-ների բաղադրիչների բայ-ստորոգյալներն ամենից շար հանդես են գալիս սահմանական եղանակի անցյալ կադարյալ - անցյալ կադարյալ, անկադար անցյալ - անկադար անցյալ ժամանակաձևերի զուգորդումով, քիչ չեն նույն սահմանական եղանակի, բայց տարբեր ժամանակաձևերի զուգորդումով բայ- ստորոգյալներ ունեցող Բին-նե-

⁹ Նույն տեղում, էջ 239:

¹⁰ Նույն տեղում:

որ: Ի դեպ, տարաժամանակյա գործողությամբ նախադասություններն ավելի շար են:

Ա) ՏԱՐԱԺԱՄԱՆԱԿՈՒԹՅՈՒՆ

1. Մի սովերը հավեց, շուվեց խուլ խավարի հետ: / «Պայքար», էջ 465/

1	=	2
---	---	---

Բ) ՀԱՄԱԺԱՄԱՆԱԿՈՒԹՅՈՒՆ

1. Լուսինը չարաճճի կերպով նայում է նրանց շն շարունակում է ժպտալ խորհրդավոր կերպով... / «Մահը», էջ 35/

1	=	2
---	---	---

2. Նրա չափից դուրս հարուստ մազերը հազիվ էին ծածկվում գլխարկի տակ շն իրենց ծանրությամբ կարծես անզոր կերպով ճնշում էին նրա հպարտորեն բարձրացրած գլուխը:/ «Մահը», էջ 20/

1	=	2
---	---	---

3. Ես ոչ միայն լավ եմ հասկանում, շայն լիովին ընդունում եմ ձեր ասածը: / «Պայքար», էջ 442/

1	=	2
---	---	---

4. Հյուրասենյակում Բագենյանը կանգնած էր լուսամուտի առաջ շն մտազբաղ հայացքով նայում էր դեպի դուրս: / «Մահը», էջ 261/

1	=	2
---	---	---

5. Եվան մնացել էր մենակ շն փակված էր իր սենյակում: / «Մահը», էջ 260/

1	=	2
---	---	---

«Հավելական է կոչվում այն կապակցությունը, որի բաղադրիչները, հաջորդելով մեկը մյուսին, ծավալում են հաղորդման սահմանները՝ բովանդակությամբ չհակասելով ու չհակադրվելով միմյանց»¹¹:

¹¹ Նույն տեղում:

Հավելական Բին-ները միավորական Բին-ներին հակադրվում են նրանով, որ եթե վերջիններս ունեն մեկ ենթակա, որին բաղադրիչները վերագրում են այս կամ այն հատկանիշը, ապա հավելականներն ունեն ամենաքիչը երկու ենթակա և երկու ստորոգյալ:

Կապակցման միջոցները համընկնում են միավորական կապակցությունների կապակցման միջոցներին: Եվ միավորականների նման հավելական կապակցություններում էլ գերակշռող են «և», «ու» շաղկապները, *ու դարձյալ Նար-Դոսի արձակում բացարձակ գերակշռող է «և» մենադիր շաղկապը:*

Այս կապակցություններում նկարագրվող եղելությունները ևս կատարվում են կա՛մ միաժամանակ, կա՛մ փարբեր ժամանակահատվածներում:

Ա) ՏԱՐԱԺԱՄԱՆԱԿՈՒԹՅՈՒՆ

1. ¹Նոր գինեգործարանս արդեն պատրաստ է, ²և այս տարի գինիները պատրաստելու եմ արդեն ամենանորագույն սիստեմով: / «Պայքար», էջ 369/

1	=	2
---	---	---

2. ¹Այն ժամանակ լեզվակն այլևս չի խոսիլ, ²և ժամացույցը կմեռնի... / «Պայքար», էջ 382/

1	=	2
---	---	---

3. ¹Նա շտապեց փակել փեղկը, ²և շփշփոցը խլացավ: / «Պայքար», էջ 471/

1	=	2
---	---	---

Բ) ՀԱՄԱԺԱՄԱՆԱԿՈՒԹՅՈՒՆ

1. ¹Նա դողում էր կատաղությունից, ²և պենսնեն ցնցվում էր նրա քթի տակ: / «Պայքար», էջ 363/

1	=	2
---	---	---

2. ¹Երանի գոնե այդ նամակը հասնի Արմենակիս, ²և մի պատասխան ստանանք նրանից: / «Մահիդ», էջ 271/

1	=	2
---	---	---

3. ¹Նրա դեմքը լուրջ էր, ²աչքերը նայում էին մտախոգ հանգստությամբ: / «Մահիդ», էջ 236/

1	=	2
---	---	---

4. ¹Լրագիրը դուրս պրծավ Մարությանի ձեռքից, ²և բարակ խշխշուն թերթիկները, բաժան-բաժան եղած թրթռալով օդի մեջ, թեթև ցրիվ եկան հատակի վրա: / «Մահը», էջ 295/

1	=	2
---	---	---

«Հակադրական կոչվում է այն կապակցությունը, որի բաղադրիչներում արտահայտված գործողությունները, եղելությունները, երևույթները ներկայացվում են հակադրության հիմունքով»¹²:

Կապակցվում են բայց, իսկ, սակայն, մինչ, մինչդեռ, այնինչ և այլ շաղկապներով: *Նար-Դոսի արձակում գերակշռում են բայց և իսկ շաղկապները: Հավելենք, որ այս տիպի Բին-ները փակ շարքերով նախադասություններ են: Նար-Դոսի արձակում քիչ չեն այս նախադասությունների աննշույթ կապակցությունները: Օրինակ.*

1. ¹Նա պատրաստ է զոհելու իր անձը մերձավորի համար, ²դուք մերձավորից զոհ եք պահանջում ձեր անձի համար: / «Պայքար», էջ 448/

1	=	2
---	---	---

2. ¹Նրա կուլտը հոգին է, ²ձերը՝ նյութը: / « Պայքար», էջ 448/

1	=	2
---	---	---

Աննշույթ կապակցությունների շնորհիվ (խոսքը հասկապես վերջին մի քանի օրինակների մասին է) Նար-Դոսն առավել դիպուկ է նկարագրում իր գլխավոր կերպարներին, ընդգծում նրանց տարբերություններն ու բնավորության հակադիր կողմերը՝ այդպիսով առավել շոշափելի դարձնելով նրանց ընթերցողների համար:

Հակադրական կապակցությունների նշույթավոր տարբերակներն ավելի հաճախ են հանդիպում Նար-Դոսի արձակում: Օրինակ.

1. ¹Նա ուզում էր այդ երեխայի հետ խոսել, ²բայց երեխայի հետ խոսելու եղանակն էլ չգիտեր: / «Մահը», էջ 23/

1	=	2
---	---	---

¹² Նույն տեղում:

2. Ինչպես և Շահյանը, այնպես և մյուս դասընկերներից շատ-շատերը նրանից անհամեմատ ավելի բարեխիղճ և աշխատասեր աշակերտներ էին, չբայց դրա փոխարեն Բազենյանը զարմանալի ընդունակություն ուներ ամենքի վրա իշխելու: / «Մահը», էջ 10/

1	=	2
---	---	---

3. Գիտես, բայց հին մտքերդ շարունակում են քել քեզ իրենց հին ճապարհով: / «Պայքար», էջ 352/

1	=	2
---	---	---

Այսպիսով, Նար-Դոսի արձակում տարածված են Բին-ների և՛ բաղիյուսական, և՛ ներհակական տիպերը: Բաղիյուսականներից տարածված են հավելական և միավորական հարաբերություններով, իսկ ներհակական նախադասություններից՝ տրոհական, հակադրական հարաբերությամբ կապակցվածները:

Նար-Դոսի արձակում գործածված Բին-ների բաղադրիչների բայ-ստորոգյալներն ամենից շար հանդես են գալիս սահմանական եղանակի անցյալ կապարյալ - անցյալ կապարյալ, անկապար անցյալ - անկապար անցյալ ժամանակաձևերի զուգորդումով, քիչ չեն նույն սահմանական եղանակի, բայց տարբեր ժամանակաձևերի զուգորդումով բայ-ստորոգյալներ ունեցող Բին-ները: Ի դեպ, տարածամանակյա գործողությամբ նախադասություններն ավելի շար են:

Նար-Դոսի արձակի բաղիյուսական հարաբերությամբ բարդ համադասական նախադասություններում շաղկապներից գործածության բացարձակ գերակշռություն ունի և մենադիր շաղկապով համադասական կառույցը:

Հակադրական կապակցությունների նշույթավոր տարբերակներն ավելի հաճախ են հանդիպում Նար-Դոսի արձակում: Փակ շարքերով հակադրական կապակցություններում գերակշռում են բայց և իսկ շաղկապները, թեև քիչ չեն այս նախադասությունների աննշույթ կապակցությունները ևս:

СТРУКТУРНО-ФУНКЦИОНАЛЬНЫЕ ОСОБЕННОСТИ СЛОЖНОСОЧИНЕННОГО ПРЕДЛОЖЕНИЯ В ПРОЗЕ НАР-ДОСА

САТЕНИК БАДАЛЯН

В статье делается попытка изучения конструктивно-функциональных особенностей многокомпонентного сложного предложения (мсп) в прозе Нар-Доса.

Ключевые слова – предложение, тембр, мысль, сложное предложение (сп), многокомпонентное сложное предложение (мсп), двухкомпонентное предложение.

THE STRUCTURAL-FUNCTIONAL PECULIARITIES OF COMPLEX SENTENCES IN THE PROSE OF NAR-DOS

SATENIK BADALYAN

In this article Satenik Badalyan examines the structural and functional properties of complex sentences in Nar-Dos's prose.

Key words – sentence, phonetic tone, thought, complex sentence, a multi-clause sentence, a compound sentence

Համառոտագրություններ

Մ. «Մահը»

Պ. «Պայքար»

Բն բարդ նախադասություն

Բհն բարդ համադասական նախադասություն

Բբն բազմաբաղադրիչ բարդ նախադասություն